

आकाशवाणी जयपुर-अजमेर
प्रादेशिक समाचार
दिनांक 15.10.2024 समय: 18.45 बजे

- प्रधानमंत्री नरेन्द्र मोदी डिजिटल प्रौद्योगिकी सारू वैश्विक ढांचो विकसित करण रा महत्त्व माथे जोर दीनो।
- उपराष्ट्रपति जगदीप धनखड़ देश मांय जनसांख्यिकीय अव्यवस्था रा बधता खतरा माथे गहरी चिंता जतायी।
- प्रदेश री 7 विधानसभा सीटां सारू उपचुनाव रो ऐलाण -13 नवंबर ने वोट पडेला अर 23 नवम्बर ने वोटों री गिणती करी जावेला।
- पैली वाळा राष्ट्रपति डॉ. ए.पी.जे अब्दुल कलाम ने आज वां री जयंती रे मौके सिरधा भाव सागे याद कर्या जा रह्या है।

000

प्रधानमंत्री नरेन्द्र मोदी आर्टिफिशियल इंटेलीजेंस रा नैतिक इस्तेमाल री अर्ज करता थकां हिफाजत, मान अर बराबरी माथे खास ध्यान देवण बाबत कह्यो है। वे आज नई दिल्ली मांय अंतरराष्ट्रीय दूरसंचार संघ-आईटीयू री विश्व दूरसंचार मानकीकरण सभा - डब्ल्यूटीएसए - 2024 रा उद्घाटन जळसा मांय बोल रह्या हा। प्रधानमंत्री डिजिटल प्रौद्योगिकी सारू वैश्विक ढांचो तैयार करण री जरूरत ई बतायी। प्रधानमंत्री कह्यो के भारत दूरसंचार अर वां ऊं जुड़ी प्रौद्योगिकी रा मामला मांय दुनिया रो सब ऊं तेज गतिशील देश है।

वे कह्यो के देश री डिजिटल सोच चार खंभां- सस्ता साज-ओ-सामान, सगळा हलकां मांय संपर्क, किफायती डाटा अर डिजिटल प्राथमिकता रे जरिये काम करे है।

प्रधानमंत्री कह्यो के भारत 5जी रो दुनिया रो दूजो मोटो बाजार है अर सरकार 6जी प्रौद्योगिकी रा हलका मांय तेजी ऊं काम कर रही है। प्रधानमंत्री इंडिया मोबाइल कांग्रेस रा आठवां संस्करण रो ई उद्घाटन कीनो। इंडिया मोबाइल कांग्रेस 2024 मांय भारत रा इनोवेशन ऊं जुड्या इकोसिस्टम रो दरसाव कर्यो जावेला। ई सागे ई 6जी, 5जी यूज-केस शोकेस, क्लाउड अर एज कंप्यूटिंग, आईओटी, सेमीकंडक्टर, साइबर हिफाजत, ग्रीन टेक, सैटकॉम अर इलेक्ट्रॉनिक्स विनिर्माण रा बारा मांय ई जाणकारी दी जा रही है। ई मौके संचार मंत्री ज्योतिरादित्य सिंधिया कह्यो के भारत 6जी प्रौद्योगिकी रा विकास मांय दुनिया री अगुवाई करण सारू तैयार है। वे बतायो के लारला तीन साल मांय सरकार ई हलका मांय दस अरब डॉलर रो निवेश कीनो है अर देश रा गांवाई हलका मांय सात लाख किलोमीटर लम्बो फाइबर नेटवर्क तैयार करी ज्यो है।

00000

उपराष्ट्रपति जगदीप धनखड़ ने देश में जनसांख्यिकीय अव्यवस्था के बढ़ते खतरे पर गहरी चिंता जताई है। उन्होंने कहा कि इसके नतीजे परमाणु बम से कम खतरनाक नहीं है। श्री धनखड़ आज जयपुर के बिड़ला ऑडिटोरियम में चार्टर्ड एकाउंटेंट्स के एक अंतरराष्ट्रीय सम्मेलन के उद्घाटन सत्र में बतौर मुख्य अतिथि बोल रहे थे।

श्री धनखड़ ने कहा कि आबादी में जैविक और प्राकृतिक परिवर्तन परेशान नहीं करते लेकिन रणनीतिक तरीके से किये जाने वाले जनसांख्यिकीय बदलाव नुकसानदायक होते हैं। उन्होंने कहा कि ये परिवर्तन हमारे मूल्य, सभ्यता और लोकतंत्र के लिए चुनौती है। उपराष्ट्रपति ने कहा कि भारत बहुसंख्यक के रूप में सहिष्णु है। श्री धनखड़ ने कहा कि भारत को स्थिर वैश्विक ताकत बने रहना चाहिए। उन्होंने कहा

कि मौजूदा सदी भारत की होनी चाहिए। उन्होंने देश की तेज़ प्रगति की चर्चा करते हुए कहा कि भारत का तेज विकास दुनिया को चौंका रहा है।

0000

उपराष्ट्रपति जगदीप धनखड़ देश मांय आबादी ऊं जुड़ी सांख्यिकीय अव्यवस्था रा बधता खतरा माथे गहरी चिंता जतायी है। वे आज जयपुर मांय चार्टर्ड एकाउंटेंट्स रा अंतर्राष्ट्रीय सम्मेलन रा उदघाटन सत्र मांय बोल रह्या हा। उपराष्ट्रपति कह्यो के भारत ने स्थिर वैश्विक ताकत बण्यो रेहवणो चाहिजे। वे कह्यो के मौजूदा सदी भारत री व्हेवणी चाहिजे अर ऐड़ो व्हेवणो इन्सानियत सारू चोखो व्हेला, जो दुनिया मांय शांति अर भाईचार बणायो राखण मांय मददगार व्हेला। उपराष्ट्रपति कह्यो के आबादी मांय जैविक अर कुदरती बदलाव परेशान नी करे है पण रणनीतिक तरीका ऊं करी ज्या जनसांख्यिकीय बदलाव नुकसानदायक व्हे है। लारला कुछ दशकां मांय आबादी ऊं जुड़्या बदलाव रो जिक करता थकां उपराष्ट्रपति कह्यो के ऐे बदलाव म्हाणा मूल्यां, सभ्यता अर लोकतंत्र सारू चुनौती है। वे कह्यो के भारत बहुसंख्यक रा रूप मांय सहिष्णु है अर बहुमत रा रूप मांय सुख देवण वाळो पारिस्थितिकी तंत्र बणावे है। उपराष्ट्रपति देश री तेज़ बरकत री चर्चा करता थकां कह्यो के भारत रो तेज विकास दुनिया ने चौंका रह्यो है।

00000

केंद्रीय कृषि अर किसान कल्याण राज्यमंत्री भागीरथ चौधरी कह्यो है के देश मांय यूरिया अर डीएपी खाद री कमी बेगी ई दूर करी जावेला। वे आज कोटा रा सांगोद मांय किसान मोर्चा रा कार्यक्रम मांय बोल रह्या हा। वे कह्यो के सरकार किसानां ने बेगो ई जरूरी तादाद मांय डीएपी अर यूरिया खाद मुहैया करावेला।

चौधरी कह्यो के एक-दो दिन मांय सरकारी मोल माथे खरीफ री साखां री खरीदी सरू करी जावेला।

00000

मुख्यमंत्री भजन लाल शर्मा निवेशकां ने त्पेपदह त्रेंजींद ग्लोबल इंवेस्टमेंट समिट 2024 मांय सिरकत करण रो न्यौतो देवण सारू जर्मनी रो दौरो कर रह्या हैं। वे आज म्यूनिक मांय एक मोटा कारोबारी समूह रा सीओओ सागे मुलाकात कीनी। ई मौके वे सीओओ ने राजस्थान मांय निवेशकां ने दिया जा रह्या सुबीतां री जाणकारी देता थकां प्रदेश मांय निवेश करण सारू न्योतो दीनो।

0000

प्रदेश मांय मुफ्त दवा योजना री जाणकारी हासिल करण सारू मध्यप्रदेश पब्लिक हेल्थ सर्विसेज कॉरपोरेशन री टीम आज जयपुर आई। दो दिन रा कार्यक्रम रा तैत टीम आज जयपुर शहर रा अस्पतालां रो दौरो कीनो। राजस्थान मेडिकल सर्विसेज कॉरपोरेशन री प्रबंध निदेशक नेहा गिरि बतायो के राजस्थान निःशुल्क दवा योजना लागू करण मांय राजस्थान देश मांय अब्बल है। मध्यप्रदेश री टीम दवाईयां रा भण्डारण री व्यवस्था समझण सारू जयपुर रा सवाई मानसिंह अस्पताल, मेडिकल कॉलेज, ड्रग वेयरहाउस अर सीएमएचओ रा दफ्तर रो दौरो कीनो। टीम रो काल जयपुरिया अस्पताल अर आमेर सामुदायिक स्वास्थ्य केंद्र रो दौरो करण रो कार्यक्रम है।

000 ब्रेक 0000

प्रदेश री 7 विधानसभा सीटां माथे उप चुनाव रो ऐलान कर दियो ज्यो है। झुंझुनू, देवली-उनियारा, खींवसर, दौसा, चौरासी, रामगढ़ अर सलूंबर सीटां माथे 13 नवंबर ने उप चुणाव व्हेला। मुख्य निर्वाचन अधिकारी राजीव कुमार आज नई दिल्ली मांय खबरनवीसां सागे बातचीत करता थकां आ जाणकारी दीनी। वे बतायो के उपचुनाव सारू पड़बा वाळा वोटां री 23 नवंबर ने गिणती व्हेला। उपचुनाव बाबत् उम्मीदवार 25 अक्टूबर ताई पर्चा दाखिल कर सकेला। पर्चा री जांच 28 अक्टूबर ने करी जावेला। उम्मीदवार 30 अक्टूबर ताई नाम पाछा ले सकेला।

झुंझुनू ऊं बृजेन्द्र सिंह ओला, दौसा ऊं मुरारी लाल मीणा, देवली-उनियारा ऊं हरीश चन्द्र मीना, खींवसर ऊं हनुमान बेनीवाल अर चौरासी ऊं राजकुमार रोट रे इस्तीफो दे देवण रे कारण आं सीटां माथे उप चुनाव करायो जा रह्यो है। ई सागे ई सलूंबर सीट ऊं अमृत लाल मीना अर

रामगढ सीट ऊं जुबेर खान री मौत रे कारण आं सीटां माथे ई उप चुनाव करायो जा रहयो है। उप चुनाव रा ऐलाण सागे ई संबंधित विधानसभा हलकां मांय चुनाव आदर्श आचार संहिता तुरत लागू व्हे गयी है। उप चुनाव री प्रक्रिया 25 नवंबर ऊं पैली पूरी कर ली जावेला। ई बीचे उपचुनाव रा ऐलाण सागे ई सलूंबर विधानसभा हलका मांय परिवहन विभाग गाड़ियां रो अधिग्रहण सरू कर दीनो है। प्रदेश मांय उप चुनाव रा ऐलाण सागे ई सियासी हलचल ई तेज व्हेवण लागी है। कांग्रेस न्यारी-न्यारी सीटां सारू प्रभारी सचिवां रा नाम रा ऐलाण कर दीना है। पार्टी सचिव चिरंजीव राव को झुंझुनू, रामगढ और खींवसर ऋत्तिक मकवाना को सलूंबर और चौरासी तथा पूनम पासवान को दोसा तथा देवली-उनियारा विधानसभा क्षेत्र में उपचुनाव का प्रभारी बनाया है। दोन्यू खास पार्टियां भाजपा अर कांग्रेस उपचुनाव मांय आप-आप री जीत रा दावा कीना है। भाजपा रा आला नेता राजेंद्र राठौड़ भरोसो जतायो के जनता प्रदेश मांय मौजूदा राज मांय करी ज्या फैसलां ने ध्यान राखता थकां वोट देवेला। दूजी कानी कांग्रेस रा प्रदेश अध्यक्ष गोविंद सिंह डोटासरा ई उपचुनाव मांय वां री पार्टी रा उम्मीदवारां री जीत रो भरोसो जतायो। नागौर रा खींवसर मांय आरएलपी अर बांसवाड़ा रा चौरासी विधानसभा हलका मांय क्षेत्रीय पार्टियां सागे मिल र उपचुनाव लडबा रा सवाल रा जवाब मांय वे कह्यो के ई बारा मांय फैसलो पार्टी आला कमान करेला। चुणाव आयोग नवंबर महीना मांय महाराष्ट्र अर झारखंड विधानसभा चुणाव रो ऐलाण ई कर दीनो। महाराष्ट्र मांय एक अर झारखंड मांय दो दौर मांय वोट पड़ेला। मुख्य चुनाव आयुक्त राजीव कुमार इलेक्ट्रॉनिक वोटिंग मशीनां मांय हेराफेरी रा विपख रा आरोपां ने खारिज करता थकां कह्यो है के इलेक्ट्रॉनिक वोटिंग मशीनां पूरी तरह फूलप्रूफ है।

000

देश आज पैली वाळा राष्ट्रपति डॉ. ए. पी. जे. अब्दुल कलाम ने वां री जयंती विश्व विद्यार्थी दिवस रे मौके सिरधाभाव सागे याद कर रहयो है। मिसाइल मेन रा नाम ऊं पिछाण्या जावण वाळा डॉ. कलाम 15 अक्टूबर 1931 ने तमिलनाडु रा रामेश्वरम मांय जन्म्या। डॉ. कलाम ऐयरोनॉटिकल इंजीनियरिंग मांय विशेषज्ञता हासिल कर र देश मांय पहलो उपग्रह छोडबा रो यान विकसित करण मांय खास काम कीनो। प्रधानमंत्री नरेंद्र मोदी डॉ. कलाम ने सिरधा भाव सागे याद करता थकां सोशल मीडिया पोस्ट रे जरिये कह्यो के डॉ. कलाम री सोच अर दूरदृष्टि ऊं भारत ने विकसित बणावण रो लक्ष्य हासिल करण मांय मदद मिलेला। ई मौके प्रदेश मांय ई न्यारी-न्यारी ठोड़ां खास कार्यक्रम राख्यी ज्या। केकड़ी रा सरकारी कॉलेज मांय राष्ट्रीय सेवा योजना रा तैत खास कार्यक्रम राख्यी ज्यो, जदके महात्मा गांधी स्कूल मांय डॉ. कलाम रा आदर्शां अर वैज्ञानिक उपलब्धियां रा बारा मांय प्रदर्शनी लगायी ज्यी। पाली मांय डॉ. कलाम री तस्वीर माथे फूल चढा र वां ने याद करी ज्या। बाडमेर मांय ई मौके योग अर स्वास्थ्य जागरूकता कार्यक्रम राख्यी ज्यो। सवाईमाधोपुर मांय राख्यी ज्या कार्यक्रम मांय सामाजिक काम करण वाळा संगठनां री ओर ऊं न्यारा-न्यारा हलकां मांय बेहतरिन काम करण वाळां ने कलाम अवॉर्ड दे र नवाजी ज्या।

0000

प्रदेश रा आंगनबाड़ी केंद्रां मांय काम रो बगत काल बदल जावेला। समेकित बाल विकास सेवा रा निदेशक ओ.पी. बुनकर आ जाणकारी दीनी। वे बतायो के राज्य रा सगळा आंगनबाड़ी केन्द्रां मांय कामकाज रो बगत आवता साल 31 मार्च ताई संवारे 10 बज्यां ऊं दोपहरां पाछे दो बज्यां ताई व्हेला।

000